

NOS MUEVE
BILBAO
BAT EGINIK



JUAN MARI ABURTO RIKE
BILBOKO ALKATETZARAKO HAUTAGAIA

HAUTESKUNDE PROGRAMA
BILBO 2019-2023

EAJ-PNV.EUS



juanmariaburto.eus



eaj
pnv

10. GARDENTASUNA, PARTE-HARTZEA, ZORROZTASUNA ETA KUDEAKETA ONA

Bilbo kudeaketarik onenetako hirizat jotzen dute nazioartean. Halaxe aitortzen dute nazioarteko hainbat sari eta aintzatespenek; adibidez, 2018an lortutako “Europako Hiririk Onena” delako aldarrikapenak.

Bilbok kudeaketa fiskal eta ekonomikoa eraginkor eta efizientea du, hornitzaileei ordaintzak egiteko epeak betez eta “zorrik gabeko” egoerari eutsiz. Azken hamarkadan, udal gardentasunari buruzko rankingetako buru izan gara.

“Barrutietako Kontseiluak” funtsezko tresnak dira deszentralizazioan aurrera egiteko eta auzoetako giltzarrizko elkarte eta eragileen parte-hartzea bermatzeko, eta horien Araudia eguneratu dugu 2017an. Gainera, hainbat kontselu sektorial ditugu hiriko eragile eta entitateen parte-hartzea sustatzeko.

Horrekin batera “Herritarrek Parte Hartzeko Ataria” sortu da, urtero 2 milioi euro banatzen dituen “Parte Hartze bidezko Aurrekontuak” abiarazi dira, eta parte hartzeko prozesu garrantzitsuak garatu dira, eta azken hauen artean, “Hiri Antolaketa-rako Plan Orokorra” aldatzea helburu duena nabarmen daiteke.

Era berean, Udaleko nahiz udal sozietate eta erakundeetako maila politikoari eta zuzentzaritza-mailari dagokien “Jokabideari, Gobernu Onari eta Kalitate Instituzionalarekiko Konpromisoari buruzko Kodea” landu eta horren aplikazioa bermatzen duen “Etika eta Gobernu Onaren Batzordea” abiarazi da.

Datozen urteotan, kudeaketan lortutako kalitate maila altuak mantentzeaz gain, **administrazio elektronikoaren arloan aurrera egitea** dugu erronka, ez bakarrik tresna elektronikoen hobekuntzaren bitartez, baizik eta, batez ere, herritarren artean tresna horien erabilera gero eta handiagoa sustatuz.

10. GARDENTASUNA, PARTE-HARTZEA, ZORROZTASUNA ETA KUDEAKETA ONA

10.1- GARDENTASUNA ETA KONTUAK EMATEA

HELBURUA

Gardentasunaren eta kontuak ematearen arloan lortutako estandarrei eustea, eskaintako informazioa ulergarriagoa izateko eta ebaluazioetan lortutako emaitzei buruzko informazioa argitara emateko aurrera eginez, nagusiki.

NEURRIAK

1. Datozen 4 urteotan garatu beharreko lehentasunezko proiektuak biltzen dituen Gobernu Plana landu eta modu zabalean ezagutzera ematea.
2. Gobernu Planean bildutako proiektuen aurrerapenaren jarraipen gardena eta etengabea bermatzea www.bilbao.eus webgunearen bitartez.
3. “Udalaren Gardentasun Ataria - Bilbao Irekia” atalean bildutako edukia ulerterrazagoak eta didaktikoagoak egitea, kontuak emateari arreta berezia emanez.
4. Udalaren planei egindako jarraipen eta ebaluazioen emaitzen gardentasunezko argitalpena sustatzea.
5. “Open Data Euskadi” ekimenean modu aktiboan parte hartzea, datuen irekieran eta berrerabilpenean elkarrekin aurrera egiteko.

10.2- HERRITARREN PARTE-HARTZEA

HELBURUA

Barrutietako Kontseiluak indartzea parte hartzeko eta erabakiak lantzeko funtsezko esparruak izan daitezen, **herritarrek udal gaitan zuzenean parte hartzeko esparru, kanal eta prozesu berriak** errazteaz gain.

NEURRIAK

1. Barrutietako Kontseiluak ahalduntzea, udal sailen harremanetarako zein kontuak emateko lehentasunezko esparruak izan daitezen.
2. “Parte-Hartze bidezko Aurrekontuen” elaborazioari buruzko zabalkunde ekintzak indartzea.
3. Herritarren parte-hartzea errazten duten teknologia berriak sartzea.
4. Herritarren parte-hartzea indartzea Udalaren plan eta programen elaborazioan nahiz ebaluazioan.
5. “Kontselu sektorialak” bultzatzea, hiriko eragile eta entitateen parte-hartzea sustatzeko organo bezala

10. GARDENTASUNA, PARTE-HARTZEA, ZORROZTASUNA ETA KUDEAKETA ONA

10.3- E-ADMINISTRAZIOA, HERRITARREN ARRETA, MODERNIZAZIOA ETA KALITATEA

HELBURUA

Bikintasunezko kudeaketan aurrera egiten jarraitzea kalitatezko zerbitzu publikoak modu eraginkor eta efizientean eskaintzeko, teknologia berriek zerbitzuak emateko nahiz Udalaren eta herritarren arteko interakzioak errazteko eskaintzen dituzten aukerez baliatuta.

NEURRIAK

1. Barrutietako Udaltegiak eguneratu eta hobetzea.
2. Barrutietako Udaltegiak kudeatzeko sistema berrikustea eta, egokitzat joz gero, ordutegia handitzeko aukera aztertzea.
3. San Agustin eraikineko eta Barrutietako hiritarrentzako arretan aurretiazko hitzordua inplementatzea.
4. Udalaren egungo “Zerbitzuen Katalogoa” hobetzea intuitiboagoa izan dadin, herritarrentzako ulergarriagoa den hizkuntza sartuz.
5. “Zerbitzu Agiriak” hedatzea, herritarrek eta Udalak udal zerbitzuei buruz dituzten eskubideak eta betebeharrak finkatzeko eta Udalak zerbitzuen kalitateari dagokionez hartutako konpromisoak zehazteko.
6. Teknologia berrien erabilera bultzatzea zerbitzu berriak eskaintzeko edota egun eskaintzen direnak hobetzeko.
7. Herritarren artean e-Administrazioaren erabilera sustatzea, “Udala 365/24” delakoan aurrera egitea lortzeko.
8. www.bilbao.eus webgunea hobetzea intuitiboagoa izan dadin, herritarrekiko interakzioa eta komunikazioa hobetuz.
9. Administrazioen arteko interoperatibitatean aurrera egiten jarraitzea, herritarrentzako administrazio-tramiteak ahalik eta gehien sinplifikatzeko asmoz.
10. Udal arauen eta Bilboko herritarrentzat interes handikoak diren beste agiri batzuen irakurketa errazeko bertsioak zabaltzea.
11. “Kontratazio Berdearen Klausulen eta Klausula Sozialen Katalogoa” handitzea eta horien erabilera Udalaren eta udal sozietateen kontrataziora zabaltzea.
12. Espazio publikoan zein kultura eta kirol arloko ekipamendu nagusietan “bilbao.eus wifi sare publikoa” zabaltzea.
13. Udal zerbitzu eta programen ebaluazioa sakontzea, horien etengabeko hobekuntza lortzeko ezinbesteko tresna bezala.

10. GARDENTASUNA, PARTE-HARTZEA, ZORROZTASUNA ETA KUDEAKETA ONA

10.4- PERTSONEN KUDEAKETA

HELBURUA

Udaletxean lan egiten duten pertsonen kudeaketa aurreratua konfiguratzen jarraitzea, **herritarren mesedeko zerbitzuan duten inplikazioa sustatuz** eta beraien lana ahalik eta kalitaterik onenaz garatzeko behar dituzten baliabideak eskainiz.

NEURRIAK

1. “Giza-Baliabideen Plan” berria lantzea Udalaren zerbitzuko langileen belaunaldi-arteke ordezkapena errazteko, eta Lanpostuen Zerrenda udal zerbitzuen behar berrietara egokitzea.
2. Lan Eskaintza Publikoak deitzea kalitatezko udal zerbitzuak bermatzeko langile gehiago behar dituzten udal zerbitzuak indartzeko.
3. Behin-behineko langileen tasa murriztea.
4. Aniztasun funtzionala duten pertsonen udal lanpostuetara berdintasunezko sarbidea dutela bermatzeko prozesuak eguneratzea.
5. Udal funtzionarioen etengabeko prestakuntza bermatzea, haien lana betetzeko behar dituzten ezaguera eta tekniken inguruko edukirik berritzaileenei buruz.
6. Euskalduntzeko plan berriak bermatzea, bi hizkuntzetan emandako arreta-eskaintza handitzeko.
7. Udal langileak ordezkatzeko dituzten gizarte-eragileekiko etengabeko elkarrizketari eustea lan-baldintzak bermatzeko, negoziazio-mahaien bitartez, Segurtasun eta Osasun Batzordearen bitartez eta beharrezkoak diren bestelako adostasun-esparruen bitartez.

10.5- ERAKUNDEEN ARTEKO LANKIDETZA ETA HARREMAN ESTRATEGIKOAK

HELBURUA

Koordinazio eta lankidetzaren mesedeko beharrezko **aliantza eta harreman estrategikoak indartzea** Bilboren garapen iraunkorrean aurrera egin ahal izateko

NEURRIAK

1. Bilbo-Bizkaia aliantza mantentzea Udalaren eta Foru Aldundiaren artean, bereziki gure hiriaren garapen ekonomiko eta kulturalari eta turismo iraunkorraren sustapenari dagokienez.

**10. GARDENTASUNA, PARTE-HARTZEA,
ZORROZTASUNA ETA KUDEAKETA ONA**

2. Eusko Jaurlaritzarekiko lankidetzari eustea Bilboko bizi-kalitaterako funtsezko gaietan: hezkuntza, gizarte-zerbitzuak, etxebizitza-politika, segurtasuna, eta garapen ekonomikoa eta enplegua.
3. Sustapen Ministerioarekin eta gainerako euskal erakundeekin lankidetzan jardutea, Abiadura Handiko Trena Bilbora aurreikusitako epean irits dadila lortzeko eta Abandoko trenbide-lubakia lurperatzeak dakartzan aukerak profitatzeko.
4. Sustapen Ministerioarekin lankidetzan jardutea FEVEren trenbide Zorrotzan lurperatzea lortzeko.
5. Eusko Jaurlaritzarekin eta Bizkaiko Foru Aldundiarekin lankidetzan jardutea, Bilboren hegoaldeko auzoak (Irala eta Errekalde) hiriaren erdigunearekin trenbidez lotzeko.
6. Aireportuarekiko eta Bilboko Portuarekiko harreman estrategikoei eustea, airezeinitsasobidezko konexioak lehiakortasun ekonomikoaren eta garapen sozialaren mesedeko giltzarrizko osagaitzat hobetzeko.
7. “Bilbao Ría 2000” Estatuko Administrazio Orokorrarekiko topagunetzat bultzatzea, azpiegiturei buruzko gaietarako.
8. Hiriko enpresa trakziogileekiko komunikazio eta lankidetzak kanalak sendotzea Bilborekin hartua duten konpromisoa indartzeko, enplegua sortzeko jarduera bultzatuz eta erabaki eta jarduera estrategikoetarako zentroak gure hirian mantenduz.
9. Gure hirian finkatutako unibertsitateekiko lan-foro egonkorra sortzea, azken urteotan Bilbo hiri gazteagoa egiten lagunduko duten bikaintasunezko prestakuntza-eskaintza eta ezinbesteko talentua erakartzeko egin den lanari jarraipena emanaz.
10. “Bilboren Nazioarteko Ekintza Estrategia” garatzea, bizitzeko, lan egiteko eta bisitatzeko erakargarria den hiriaren nazioarteko irudia eraikitzen jarraitzeko eta gure enpresen nazioarteko posizionamendua eta nazioarteko merkatuetarako sarbidea errazteko.
11. Gure hiria partaide duten elkarte eta saretarik nahiz aldebiko lankidetzak-hitzarmenetatik abiatuta, beste hiri batzuetan garatutako jardunbide egokiak Bilbon aplikatzeak dakarren potentzialtasuna aprobetxatzea.
12. Nazioarteko foro eta sareetan parte-hartze aktiboa izatea.

NOS MUEVE
BILBAO
BAT EGINIK